

RESAKA VAKSINY COVID-19

Tsy hita tabilao ny filoha Rajoelina mivady

Mahavantana an'Ingahy Filohan'ny Repoblika Andry Rajoelina ny manao talaky maso amin'ny trangan-javatra rehetra, tato ho ato anefa tao-rian'ily fandaharana niarahany tamin'ireo minisitira efa-tsy ny mpanao gazety telo dia toa tsy tazana amin'ny fotoana sy toerana iandrasana azy ity tompo-andraikitra voalohany eto amin'ny firenena ity.

Nanomboka tamin'ny fitsenana ny andiam-baksiny tonga voalohany izany, sy ny fisantaran'ny fanaovam-baksiny dia tsikaritra fa toa miala ilany hatrany izy, ny fanazavana avy amin'ny Praminisitra mikasika ny tsy fahatongavan'Ingahy Filoha amin'ny tokony ho nilana azy dia azo lazaina ho valinteny peta-toko ihany.

Tsy omen-tsiny Ingahy Praminisitra Ntsay Christian raha tsy nitsotra hoe tsy tonga Ingahy Filoha fa mbola nanongotra foto-mangahazo tany atsimo, Ingahy Praminisitra rahateo tsy atao mahataitra fa tsy maintsy manatsara endrika ny Filoha, satria tsy fantatra izay havoakan'ny ampitso , ny fanapahana mantsy dia any ampelatanan'ity arovana mafy.

Ny fanongotana foto-mangahazo no antony hita tamin'ny sary, fa ny tena marina ankoatr'izany dia matahotra ny vavabe navoakany momba ny tsy filany vaksiny sy ny tsikera mivaivay nataon'izy sy Ramatoa Minisitira miadidy ny serasera , mikasika ny karazam-baksiny « covishield », izay « astrazene » ihany no tena antony . Ary mbola izay tahotra izay no nahatonga an'Ingahy Filoha nitsoaka ny fandaharana fanaony isa-tapabolana mikasika ny fanolorana ireo fepetra ilaina amin'ny fiatrehana ny koronavirusy. Fandaharana tena tsy foiny io ary fotoan-dehibe ho azy , satria ahafahany manao fampielezankevitra, ny azy mantsy mandavan-taona ny fitaomana ny vahoaka hifidy azy hatrany . Vao mainka mety amin'Ingahy Praminisitra izay tsy fahasahiana sehatr'Ingahy Filoha izay , satria nahoana kosa

moa no tsy araraotina satria tsy ho isan'andro anie ny fetin'ankizy e !

Rehefa nomena fitenenana tokoa ilay Praminisitra dia atao avy hatrany ny fanamarihana fa izy aloha dia marim-potoana tsy toy ilay mpifehy azy, na izany aza dia hita taratra amin'ny valinteny ihany fa mpisoalo vaika ny akalana izy ary miaro fatratra ny efa sarotra avotana, ka ahiana tsy maintsy hiafara amin'ny fiarahamilentika ihany ny azy roalahy.

Tsikera efa nahazo an'Ingahy Filoha ny tsy firesahana intsony izay fepetra aroson'ny fitondrana hanala ny fahasaharanambahoaka noho ny fikatonan'ny tsena sy ny fifamoivoizana, kanefa dia mitovy amin'izay ihany ny fandaharana niarahana tamin'Ingahy Praminisitra. Maro ihany koa ireo mimenomenona hoe tsy tazana mihitsy ny vadin'Ingahy Filoha, Ramatoa Mialy Rajoelina, tamin'ny fahatongavan'ny andiam-baksiny voalohany, kanefa dia izy no reny mpiahy ny fanaovam-baksiny eto amin'ny firenena. Azo an-tsaina ny antony tsy nahatongavan-dRamatoa io , satria ilay famokarana " alcool ethanol" izay nilokaloany fa ho vita tsy mbola hita sori-tra hatramin'izao , ka tsy aleo ve mba manao sambo milentika elaela aloha, satria ny mpanao gazety ankehitriny anie ka tsy miafiay mihitsy amin'ny fanontaniana e !

Raha mbola vonona hitondra ny firenena Ingahy Filoha dia tokony hitady vahaolana amin'ireo fahasaharanana mianjady amin'ny vahoaka malagasy , fa tsy hanao fikan-jaza milentika tsy mipoipoitra, kanefa raha izay no vahaolana dia hatramin'ny oviana ny fandosirana ny vavambahoaka sy ny fitsoahana ny fanontaniana'ireo mpanao gazety. Ka hoy ireo be vazivazy hoe : ombay mitady ny filoha Rajoelina mivady, satria tsy hita tabilao izy ireo mahakasika ny resaka vaksiny.

Ny Valosoa

Politika sy toekarena ary fiangonana

Nodimandry Radavidson Andriamparany Benjamin

Nodimandry ny alahady alina hifoha omaly alatsinainy, ny minisitra teo aloha Radavidson Andriamparany Benjamin, fantatra teo amin'ny sehatry ny politika, ny toekarena sy ny fitantanam-bola ary teo amin'ny sehatry ny fiangonana fahavelony.



Radavidson Andriamparany Benjamin, mpanao politika, mpahay toekarena, olom-piangonana ihany koa.

rehetra amin'izao fisarahana antany izao, hoy ny fanambarana. Jesoa Kristy Tompon'ny fampiononana hampionona sy hampahery antsika.

Lzy dia efa minisitry ny fitantanam-bola, minisitry ny fanabeazam-pirenena ary solombavambahoaka tao amin'ny Boriboritany faha-4 nandritra ny fitondrana Marc Ravalomanana. Voasokajy ho anisan'ireo manampahaizana ara-toekarena nanana ny maha izy azy izy ary

anisan'ny olom-bitsy to-teny teo amin'ny resaka fifampiraharana tamin'ny mpamatsy vola iraisam-pirenena. Efa kandida filoham-pirenena izy, nirotsaka ho kandida tamin'ny fikambanana politika izay najoronny dia ny FFF. Teo amin'ny sahan'ny fiangonana: nitana andraikitra teo anivon'ny Sampana Fivondronana Laika Fjkm, filohan'ny SFL izy. Efa ho andro maromaro izy no re fa efa narary nialohan'izao fahalasanany izao.

Noho izay fahalasanany izay, nitondra teny fampaherezana ho an'ny fianakaviany ny filoha Marc Ravalomanana, filoha nasionalin'ny antoko TIM, sady filohan'ny RMDM: "tamin'ny fahatairana lehibe tokoa no nandrenasana fa nodimandry i Andriamparany Radavidson Benjamin, minisitry ny vola, minisitry ny fanabeazam-pirenena ary solombavambahoaka teo aloha. Tena niara-niasa akaiky tokoa ary voasokajy ho anisan'ireo manampahaizana ara-

toekarena nanana ny maha izy azy. Amin'ny anaran'ny tenako sy ny ankohonako ary ny mpiara-miasa rehetra teo aloha dia maneho indrindra ny fiarahamioro sy mitondra ny teny fampiononana ho an'ny vady amananany ary mankahery ny fianakaviany manontolo. Hoy ny Tenin'ny Soratra Masina: "Ary Jesoa Kristy Tompontosika sy Andriamanitra Raintsika, lzy efa tia antsika ka nanome antsika fampiononana mandrakizay sy fannantenana tsara amin'ny fahasovavana, no hampionona ny fonareo anie sy hampahery anareo."2 Tesalonia 2:16-17.

Toky sy fampantenana ho antsika izany.

Homba antsika mandrakariva ny Tompo », hoy ny teny fampiononana sy fampaherezana nataon'i Dada.

Ankoatra izany, ny gazety Ny Valosoa Vaovao ihany koa dia mirary fiononana feno ho an'ny fianakaviany.

Stefa

Fepetra raisin'ny fitondrana Manao ny mpivavaka any am-piangonana ho zaza

Mampieritritra lalina ny fepetra raisin'ny fitondrana, momba ny fiangonana ao anatin'izao fiatrehana amin'ny valanaretina covid-19 andiany faharoa izao.

Raha nilaza indrindra ny amin'ny fanapahan-kevitra no-raisin'ny mpiandraikitra foibe ao aminy ny filohan'ny Fjkm, dia tsy niandry fotoana ela nihazakazaka namaly avy hatrany tsy niahotra ny governoran'Antananarivo sy ny prefet an'Antananarivo, ka nanohitra ny fanambaran'izy ireo. Nisy mihitsy aza ny karazana endrika fampiant-

soana ny tompoandraikitra ny fiangonana, izay anisan'ny raianmandreny lehibe am-panahy eto amin'ny firenena. Mazava anefa ny nambaran'ny fiangonana, fa misokatra ny trano fiangonana isan'andro ho an'ireo rehetra mila fampaherezana.

Raha mpitondra feno fahendrena dia nandinika lalina sy nitady ny fomba tokony hahafahana manatanteraka izany, satria tena mila izany ny vahoaka izay reraka ao anatin'izao ady atrehiny andro aman'alina izao eo amin'ny fiainany. Tsy mi-

vaky loha amin'izay manjo ny vahoaka izay ny tompoandraikira-panjakana, raha ny fahitanana sy fahenoina ny nambanana tamin'ny faran'ny herinandro iny. Nolazaina mihitsy aza, fa tsy mahatandrina fihetsika ny mpivavaka any am-piangonana. F'angaha izy ireo zazakely, ka tsy hahafehy ny fihetsika tokony hajaina? Dia ho ambakan'ny zaza mpianatra hanala fanadinam-panjakana Cepe sy Becp izay nanokafana ny trano fianarana ve ireto mpivavaka? larahamahalala tsara ny isan'ireo

mpianatra ireo isan-kilasy raisina amin'izao fotoana izao, sy ny fitoerany ao am-pianarana. Dia ho tsy hahavita fitandreman-pihetsika lavitra noho ireo ve ny any am-piangonana? Nisy aza sekoly inaran'ireo mpianatra ireo amin'izao fotoana izao, re fa misy fotoana mifalihan'ny milalao eran'ny tokotanin-tsekoly ireo ankizy ireo. Tsy ho hita velively any am-piangonana izany? Ary misy aza, ankoatra ireo, nambara momba ny any amin'ny orinasa izay mampiasa mihoatra hatrany amin'ny 500,

Ny Valosoa sy fakafaka
Fitondrana Rajoelina Tsy hita izay havaliny ny hetahetam-bahoaka

Tena mahatsapa marina ny filana fototra sy izay tena mahaso marina ny vahoaka malagasy ve ity fitondrana Rajoelina ity ? Fanontaniana mila voizina mafy izany ankehitriny noho ny fahitana ny fomba fiasa sy fitantanana eto amin'ny firenena ity. Hatrany amin'ny fotoanan'ny fampielazan-kevitra, sy rehefa nandray ny fitondrana dia niseho hahavaha ny olan'ny vahoaka malagasy i Andry Rajoelina. Dia niandry ny vahoaka indrindra fa ireo nifidy azy. Roa taona sy tapany izao no lasa, tsy hita anefa izay valin'ny hetahetam-bahoaka. Ny vahoaka resahina eto, tsy ilay ampahany kely niangarany nomena "tapi-maso" tamin'ny alalan'ny tololotra kely tsy mahavita taona, fa ilay vahoaka manontolo mihitsy, satria izay no nianianany teny Mahamasina ny janoary 2019.

Rehefa mahita ny fihetsiky ny fitondrana tao anat'izay fotoana izay, dia tsikaritra matetika ny lesoka. Niseho hahavita ny vahoaka, tamin'ny fiatrehana ny ady amin'ny valanaretina tamin'ny fitsinjovana ara-tsosialy, nefa niaraha-nahita ny zavany, na tamin'ny taon-dasa, na miatrika izao andiany faharoa amin'ny valanaretina izao. Ny iray lehibe tena mandreraka ny olom-pirenena dia ny fahitana miaraha ny tsy fahaiza-mandamin'ny fitondrana amin'ny asa setrin'ny fepetra raisiny. Nisy fiantraikany ratsy tamin'ny fiainan'ny olom-pirenena maro sy ny vahoaka amin'ny ampahany be izany. Tsy nisy anefa na kely aza ny fianan-tsiny mba natao tamin'izany, fa odiana fanina fotsiny izao, ary ny mahasorena ny maro aza dia ny filazana fa tena niasa izay fitondrana ary tena mitsinjo ny vahoaka tokoa.

Tsy nisy izay tsy nahita teto fa miady irery ilay vahoaka maro an'isa, niatrika ny fiainany ary nanao izay hahavelomany fotsiny sisa isan'andro eo ampieatrehana ny valanaretina. Tsy nisy na kely aza fankaherezana avy amin'ny fitondrana natao azy ireo amin'izany. Ny nahatohina ny maro aza dia ny fahitanana ny fihetsika nataon'ny fitondrana, tamin'ny fanakatonana orinasa tamin'ny famaizana ireo tamin'ny lazainy ho resaka hetra, ary dia zana namakiany loha na kely aza izay mpiasa very asa tao anat'ireny mandraka ankehitriny. Manginy fotsiny ireo very fivelomana sy fihariana marobe mpisehatra manodidina miara-miasa amin'ny ilay orinasa izay mamelona olona sy fianakaviana an'aliny maro. Ary misy koa sokajin'olona, mpiasa na mpandraharaha anjorom-bala tanteraka tsy voatsinjo mihitsy amambolana maro. Tsy miasa saina amin'ireo ny fitondrana fa izay manjo azy any manjo azy.

Mila ampaherezina mafy ireny olona ireny. Tsy ny marary eny amin'ireo toeram-pitsaboana ihany no mila izany, fa indrindra ireo sokajin'olona lasibatra amin'ny tsy fahaiza-mitantana firenena izao. Fomba iray lehibe amin'izany ny fampaherezana ny finoany, ary manana adidy lehibe amin'izany ny mpitondra fivavahana. Mazava loatra fa any am-piangonana no tena ilaina hanaovana izany, fa tsy amin'ny haino aman-jery any an-tokantrano. Misy aza tsy manana fitaovana amin'izany akory. Ary izay ilay tsy fantat'ity fitondrana ity mihitsy amin'ny vahoaka entiny. Ilain'ny vahoaka Malagasy ny fampaherezana azy amin'ny lafiny ara-panahy, fa ny tena Malagasy olon'ny fo sy fanahy, ary anisan'ny iray lehibe hahaso azy izany. Tsy manana fahaiza-mandamina feno fahendrena lalina ny amin'izany anefa izao fitondrana Rajoelina izao, raha ny heno nambaran'ireo olony ho setrin'ny fepetra noraisin'ny mpitondra fivavahana, mba ho enti-manampy ireo olona mangataheta izany.

Sôh'son

samy mpandeha isan'andro, izay misy maharitra adiny roa ora na hatrany amin'ny ora telo mihitsy rehefa mihitsoka amin'ny fitohanana, kanefa tsy hita izay fepetra raisina amin'izany.

Ilay fisokafan'ny trano fiangonana mihitsy ve no olan'ny fitondrana, sa ireo mpivavaka ao aminy? Raha dinihina lalina ny amin'ny fepetra momba ny fiangonana dia tsy mitombina mazava, hoy ny mpandinika maro.

Sôh'son